

Hreiðrið Fréttabréf Veturinn 2020 - 2021

Kennarar í Hreiðrinu veturinn 2020-2021

Sigurveig Petra Björnsdóttir, deildarstjóri
Helena Sjörup Eiríksdóttir, leikskólakennari (í veikindaleyfi)
Kristbjörg Ósk Svavarsdóttir, B.a. í sálarfræði
Guðbjörg Kristín Valdimarsdóttir, leikskólakennari
Katla Ósk Rakelardóttir, leiðbeinandi
Eva Dögg Jónsdóttir, leikskólakennari
Kristín Guðmundsdóttir, leik- og grunnskólakennari
Andrea Jónsdóttir, afleysing



Börnin í Hreiðrinu

Í vetur verða 23 börn í Hreiðrinu. 14 stúlkur og 9 drengir
Þau eru þau fædd júní 2018 - mars 2019.

Dagskipulag

Mánudagar - Salur, leikskólastarf
Þriðjudagar - Leikskólastarf
Miðvikudagar - Vettvangsferð
Fimmtudagar - Leikskólastarf
Föstudagar - Listasmiðja, leikskólastarf

Dagatal

Mánaðarlega útbúum við dagatal en þar má sjá hvað ber hæst í hverjum mánuði. Dagatalið er sett inn á Karellen heimasíðuna www.krogabol.karellen.is og hægt er að prenta það út og hvetjum við alla til að gera það. Börnin hafa mjög gaman af að fylgjast með hvað bíður þeirra næsta dag eða í mánuðinum. Við hvetjum ykkur líka til að skoða facebook reglulega, þar eru ýmsar upplýsingar varðandi leikskólann.

Leikurinn

Leikurinn er mikilvægasta leið barnsins til að læra um lífið, samskipti, vináttuna, skiptast á, taka tillit og æfa sig í samskiptum og orðaforða. Við leggjum mikla áherslu á leikinn og að gefa börnunum það frelsi að æfa þessi mikilvægu skref í proskaferlinu. Einbeiting þeirra eykst jafnt og þétt og leikirnir þróast.



Hópastarf

Í hópastarfinu ætlum við að vinna markvisst að því að börnin tengist vel í hópnum og að þau geti tekið tillit til félaga sinna í leik og verkefnavinnu. Námsgvið leikskólans fléttast svo inn í allt starfið en þau eru: læsi, sjálfbærni, lýðræði og mannréttindi, jafnrétti, heilbrigði og velferð og sköpun.

Í hópastarfi vinnum við með stafi, tölustafi, tónlist, lífsleikni/dygðir, námssviðin, förum í útiveru og vettvangsferðir, ásamt því að vinna með þema sem kennarinn leggur fyrir eða börnin hafa áhuga á. Einnig situr hópurinn saman með sínum kennara við matarborð. Á föstudögum er svo meiri blöndun þar sem hópar fara í listasmiðju. Hóparnir eru eftirfarandi (með fyrirvara um breytingar)

Hópstjóri:
Sigurveig

Hópstjóri:
Eva/Stína

Hópstjóri:
Kiddý

Hópstjóri:
Kristbjörg

Hópstjóri:
Katla

Apena Elísabet
Elín Línberg
Emilía Lexí
Kristian Kári
Mikael Þór V.

Arney Elísabet
Emma Karen
Júlíana Björk
Mía Hólm
Ragnhildur Rist

Glódís Heiða
Hulda Guðrún
Leon Viktor
Mikael Þór B.

Alexandra Sif
Aron Elí
Evían Lukonge
Gabríela Myrk
Jace Alexander

Elvar Kató
Karítas María
Lilja Margrét
Viktor Jirayu

Lífsleikni

Í vetur vinnum við með tvær dygðir og eina undirdygð:

Hugrekki fyrir áramót

Ábyrgð eftir áramót

Áreiðanleiki sem undirdygð



Allt okkar starf litast af þessum dygðum, s.s. í samveru, listsköpun og hreyfingu. Á tímabili hvernar dygðar er dygðastund þar sem kennarar og börn deildanna skiptast á að skemmta hinum. Ástæða þess að við veljum að vinna með þrjár dygðir er að þannig ná börnin að læra allar 12 dygðirnar í kennsluefninu okkar á fjórum leikskólaárum.

Í septembermánuði er unnið með agareglur leikskólans og svo aftur í janúar.

Málrækt á Krógabóli

Tungumálið skiptist í fjóra þætti, hljóðkerfi, merkingarfræði, málfræði og málnotkun. Unnið er markvisst með alla málþættina í leikskólanum. Markmiðið með málrækt á Krógabóli er að gefa börnum tækifæri á að kynnast tungumálinu og möguleikum þess á fjölbreytilegan hátt. Málþættirnir þrír eru samofnir daglegu starfi í leikskólanum en einnig er unnið á markvissan hátt með ýmis verkefni sem miða að því að auka skilning og hæfni barna til að tjá sig og koma hugmyndum sínum á framfæri. Lögð er áhersla á lestur og að börn fái tækifæri til að nota málið á fjölbreytilegan hátt í starfinu, m.a. með því að læra pulur og vísur, syngja og segja frá.

Við vinnum mikið með hljóðkerfisvitundina en hún hefur forspárgildi varðandi hvernig barni gengur að læra að lesa. Við kennum börnunum að hlusta með lestri og athyglisleikjum. Byrjum að vinna markvisst með takt og rím með tveggja ára, höldum áfram og bætum við flóknara rími og leik með málið hjá þriggja og fjögurra ára. Þar er einnig lögð áhersla á að kenna börnunum að ritað mál og tákn hafi merkingu.

Lubbi

Við vinnum með bókina Lubbi finnur málbein. En það er námsefni sem inniheldur bókina um Lubba, hljómdisk og mynddisk. Lubbi er íslenskur fjárhundur og hann langar að læra að tala en þá vandast málið því þá þarf hann að læra öll íslensku

málhljóðin. Börnin þurfa því að hjálpa Lubba að læra íslensku málhljóðin með söng og ýmsum öðrum æfingum. Þarna fer fram hljóðanám í þrívídd; sjón, heyrn og hreyfi/snertiskyn er notað og fer það þannig fram að börnin gera táknið fyrir málhljóðin og hljóða málhljóðin.

Próunarverkefni

Í vetur mun Hreiðrið fara í próunarverkefni sem unnið er í samstarfi með Miðstöð skólapróunar við Háskólann á Akureyri.

Heiti verkefnisins er „Leikur og gleði á yngstu deild“ umsjónaraðili með verkefninu er Íris Hrönn Kristinsdóttir, Íris Hrönn vann í Krógabóli og þekkir því starfið mjög vel. Markmið verkefnisins eru:

Að innleiða kennsluhættu á yngstu deild sniðna að þörfum barna á aldrinum 1-3 ára.

Að þróa ramma utan um kennsluhætti á yngstu deild byggðan á raunprófuðum aðferðum og rannsóknum á þroska barna á aldrinum 1-3 ára.

Að sporna við mannbreytingum á yngstu deild og gera starf leikskólakennara með börnum á aldrinum 1-3 ára eftirsóknarverðara.

Áætlaður afrakstur próunarverkefnisins mun liggja í aukinni þekkingu og færni kennara í faglegu starfi með börnum á aldrinum 1-3 ára ásamt því að gera ramma utan um kennsluhætti með yngstu börnunum.

Listasmiðja



Á föstudögum er listasmiðja. Við útbúum hin ýmsu verk sem tengjast t.d. árstíðunum, vettvangsferðum, þeirri dygd sem verið er að vinna með hverju sinni eða bara það sem okkur dettur í hug. Við notum alls kyns efnivið t.d. málningu, blek og lím og þrátt fyrir að börnin fari í svuntur þá halda þær ekki alltaf. Fatnaður þarf því að vera í samræmi við það. Verkin eru hengd upp inn á deild eða bíða vorsýningar í maí - sem verður ákveðið síðar hvort að verður.

Salur - Hreyfing

Hreyfing er hluti af okkar daglega lífi hér á Krógabóli. Í salnum eru hreyfistundir og njóta börnin markvissra hreyfinga vikulega þar. Þetta eru mjög vinsælar stundir hjá börnunum og eru þær hafðar fjölbreyttar og skemmtilegar, allir ættu að finna eitthvað við sitt hæfi. Allir tímar byrja á því að börnin eru boðin velkomin og stundum smá spjall til að ná góðri tengingu saman. Tímarnir byrja á upphitun og þar læra börnin að fara eftir fyrirmælum um upphitunaræfingar. Í salnum læra börnin að fara í gegnum þrautabrautir, æfa stöðvarþjálfun og æfingar fyrir heilsubókina. Þau fá kynningu á ýmsum íþróttagreinum og teknar eru fyrir algengustu boltaíþróttirnar, svo sem handbolti, fótbolti og körfubolti en einnig jóga og dans þar æfa börnin jafnvægi, einbeitingu og slökun. Oft fer tíminn í að læra hreyfileiki, gamla og nýja og í lok hvers tíma þökkum við fyrir tímann. Krógaból er heilsuleikskóli og í október og mars er heilsubókarvika, þá gera börnin vissar æfingar eftir stöðluðum hreyfiæfingum og er það skráð í heilsubók barnsins. Eftir áramót verður farið að meðaltali einu sinni í mánuði í íþróttahúsið í Síðuskóla. Fagstjóri hreyfingar heitir Fanney Særún Benediktsdóttir, leikskólakennari.

Útikennsla

Í leikskólanum er mikil áhersla lögð á útiveru og hreyfingu. Við förum 1x í viku í gönguferðir út fyrir skólalóðina. Þær eru þó háðar veðri og færð hverju sinni. Í þessum vikulegu ferðum okkar fer fram mikið nám og hreyfing og áhersla er lögð á að byggja upp þol og þrek barnanna. Börnin halda í band og áhersla er lögð á að hver og einn passi sig og sitt pláss en um leið þá sem eru nálægt. Þá munum við einnig skoða ýmislegt sem okkur dettur í hug en umfram allt ætlum við að hafa gaman.

Veikindi

Leikskólinn er ætlaður heilbrigðum börnum. Barn getur fengið í undantekningar-tilvikum að vera inni í einn dag eftir langvarandi veikindi. Barnið verður að vera búið að vera heima hitalaust í einn til tvo daga áður en það kemur aftur í leikskólann. Nú á tímum Covid19 eru reglurnar enn strangari og eru foreldrar beðnir að hafa efirfarandi atriði í huga:

Barn á ekki að koma í leikskólann ef:

- Barnið er með hita.

- Barnið er með kvef, hósta og að minnsta kosti eitt af eftirtöldum einkennum til viðbótar; slappleika, höfuðverk, beinverki, þreytu, kviðverki og/eða niðurgang.
- Barn skal sótt í leikskólann ef heilsufar þess breytist; barnið fær hita yfir 38°C og flensulík einkenni.

Leitið ráðgjafar hjá heilsugæslu:

- Ef vafi leikur á því hvort barnið ætti að fara í leikskólann
- Til að fá nánari upplýsingar um einkenni

Afmæli

Á afmælisdegi barnsins eða þann dag sem haldið er upp á afmæli þess í leikskólanum fær barnið að vera borðstjóri og það má koma með geisladisk og bók (ekki reyndar í Covid), en engar veitingar eru leyfilegar. Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmælisdaginn.

Karellen

Síðustu mánuði höfum við verið að nota leikskólakerfið Karellen til að halda utan um alla mætingu nemenda. Í Karellen er einnig boðið upp á skráningu á svefntíma og matartíma barnanna auk þess sem myndir af börnunum eru settar inn á þeirra svæði. Foreldrar geta á einfaldan hátt sent skilaboð til deildar barnsins með upplýsingum um t.d. veikindi, hver nær í barnið o.s.frv. Á sama hátt geta kennarar sent skilaboð til hópa eða einstaka forráðamanna innan kerfisins. Þeir foreldrar sem ekki hafa skráð sig inn í kerfið gera það með því að fara inn á my.karellen.is og velja síðan nýskráningu, þar eru mjög góðar skýringar á allri notkun á kerfinu. Karellen er einnig til sem app og mælum við með að þið náíð í það í símana ykkar eftir að þið hafið virkjað aðganginn á vefsíðunni

Leikföng og matur

Að gefnu tilefni:

- Leikföng að heiman eru ekki leyfileg í leikskólanum

- **Stranglega bannað er að koma með mat í leikskólann þar sem að nokkur börn í leikskólanum eru með bráðaofnæmi** (Það er freistandi að fá að smakka eitthvað góðgæti sem vinirnir hafa ef til vill í poka eða ofan í tösku). Við gerum þó undantekningu á þessu þegar það er nestisdagur.

Mjög erfitt er að taka á móti börnunum þegar morgunmat er byrjaður og er það líka truflandi fyrir hin börnin. Við mælumst til að þið foreldra komi ekki með börnin á þeim tíma. Morgunmat er frá 8:15-8:50.

Foreldrasamtöl

Þriggja til sex mánaðasamtal fyrir nýja foreldra í Hreiðrinu er í kringum áramótin. Foreldrasamtöl verða í vor, á tímabilinu mars til apríl, þar sem farið verður yfir heilsubók barnsins, þroska og líðan þess í leikskólanum. Ef óskað er eftir fleiri samtölum þá er sjálfsagt að veita þau. **Foreldrar eru beðnir um að koma með grímur í samtöl.**

Kaffidagar

Vegna Covid19 verður árlegum kaffidögum aflýst þetta skólaárið.

Vistunartími

Leikskólinn er opinn frá 7:45-16:15

Foreldrar eru vinsamlegast beðnir um að virða vistunartíma barnsins.

Barnið á að vera farið úr leikskólanum þegar vistunartíma þess líkur.

T.d. ef barn er með vistunartíma til kl. 14:00 eða 16:15 þá á það að vera farið út úr leikskólanum á þeim tíma og ef barn er með tímann kl. 8:00 þá má það ekki koma fyrir þann tíma. Við viljum benda á þetta þar sem fjöldi starfsmanna fer eftir því hversu mörg börn eru á deildinni á hverjum klukkutíma. Ef eitthvað óvænt kemur upp á þá vinsamlegast hringið og látið okkur vita.



Fataherbergi

Boðið er uppá kassa fyrir hvert barn í hólfunum og því eru töskur þar ekki leyfðar.

Á Hreiðrinu, Spóanum og Lóunni er kassinn ætlaður undir auka útifatnað. Auka innifatnaður er í körfum inni á baðherbergjum. Útiföt, úlpa, snjófatnaður, pollaföt eiga að hanga í hólfinu.

Fatnaður sem á að hanga er: Útiföt eftir veðri, úlpa, snjófatnaður, pollaföt, vettlingar, húfa.

Skór fara upp á skógrind fyrir neðan hólfin og stígvél einnig.

Allur blautur og óhreinn fatnaðu úr hólfum á að fara heim daglega. Þá viljum við minna á að í sóttvarnarskygni er einungis heimilt að fara inn og sækja í hólfin en börnin fara heim í þeim fatnaði sem þau klæðast þegar þau eru sótt

Mikilvægast af öllu er taupokinn: Hann er ætlaður til að flytja fatnað milli heimilis og skóla og undir blaut og skítug föt eftir daginn.

Einnig viljum við brýna fyrir foreldrum að merkja öll föt, skó og stígvél.

Bílaplan

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í bifreiðastæði sem ætlað er fyrir fatlaða og auðkennt er með þar til gerðu umferðarmerki. Í leikskólanum eru nokkur börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið í leikskólanum foreldrar sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig við viljum minna foreldra á að drepa á bílnum þegar þeir koma með eða sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

Mikilvægt:

- Keyra inn á bílaplanið um efri innkeyrslu
- Keyra út af bílaplaninu um neðri útkeyrslu
- Loka og læsa leikskólahliðinu þegar þið gangið um
- Gæta þess að ekkert barn fari út um hliðið nema ykkar eigið
- Að börnum sé ekki leyft að opna og loka hliðinu

Kær kveðja frá kennurum Hreiðursins með von um gott og ánægjulegt samstarf í vetur.

Sigurveig Petra, Helena, Eva Dögg, Stína, Kiddý, Katla Ósk,
Kristbjörg Ósk, Andrea